

Arkiv: <arkivID><jplD> FE-000
JournalpostID:
Saksbehandlar:
Dato: 10.09.2020

Saksframlegg

Saksnr.	Utvalg	Møtedato
108/20	Alver kommunestyre	17.09.2020

Dagsturhytte i tidlegare Lindås kommune - plassering

Rådmannen sitt framlegg til vedtak:

Alver kommunestyre godkjenner plasseringa av dagsturhytte på Vardefjellet slik det kjem fram av saka.

Alver kommunestyre 17.09.2020:

Behandling:

Rådmannen sitt framlegg vart samrøystes vedteke.

KO- 108/20 Vedtak:

Alver kommunestyre godkjenner plasseringa av dagsturhytte på Vardefjellet slik det kjem fram av saka.

Politisk handsaming

Saka skal avgjerast i kommunestyret.

Bakgrunn

Utval for oppvekst, kunnskap og kultur gjorde 3. desember 2019 vedtak om at Alver kommune skulle søkja Hordaland fylkeskommune og Sparebankstiftinga Sogn og Fjordane sitt prosjekt om tilskot på totalt kr 900 000 til etablering av tre dagsturhytter i Alver – éi i kvar av dei tre dåverande kommunane. Kommunestyret stadfesta vedtaket i møte 19. desember, sak 046/19. Søknaden vart innvilga av fylkeskommunen i skriv datert 5. desember, og midlane er overførte til Alver kommune.

To av hyttene vert lagt fram for endeleg vedtak i anna sak i dette møtet. Som det kjem fram av den saka hadde det ikkje lukkast arbeidsgruppa for dagsturhyttene å koma fram til semje med grunneigar på aktuell tomt på Kolåsfjellet då saka vart sendt ut. Arbeidsgruppa har difor sett etter andre moglege plasseringar og vore i dialog med grunneigarar for å kunna leggja fram forslag til plassering av hytta som skal liggja innanfor grensene til tidlegare Lindås kommune. Det har no lukkast å finna ei ny plassering for denne hytta, og å koma til semje med grunneigar om avtale. Rådmannen ynskjer difor å få gjort vedtak også for denne hytta for å sikra at ein er klar til å setja opp hytta når den vert levert i januar.

SaksopplysningAr:

Det same kriteriesettet som for dei andre hyttene har vore nytta. Då hytta på Byngja ligg heilt i sjøkanten og har svært enkel tilkomst og hytta på Eldsfjellet ligg på om lag 300 meter og er ein tøffare tur, har målet vore å finna ei plassering litt i mellom.

Som nemnd i saka om plassering av dagsturhyttene på Eldsfjellet og i Byngja ville arbeidsgruppa sjå etter alternative plasseringar på Kolåsfjellet, sekundært andre plasseringar i kommunen. Den aktuelle plasseringa er Vardefjellet, som er nabotoppen til Kolåsfjellet, og med same startpunkt. Den viktigaste forskjellen er at turen til Vardefjellet er ein del kortare enn til Kolåsfjellet og at det er grusa sti heile vegen fram. Turen er for bratt til å vera universelt utforma, men har svært høg grad av tilgjengelegheit.

Då hyttene vert leverte allereie i januar, og det er mykje som må på plass før den tid, er det administrasjonen sitt ynskje at denne tredje hytta vert sendt til handsaming også, sjølv om den ikkje har vore innom råda og innom utval for oppvekst, kunnskap og kultur. Råda har vore med i referansegruppa og uttalte seg positivt til ei hytte på Kolåsfjellet. Det er difor grunn til å tru at dei vil vera positivt til ei hytte også på Vardefjellet, som altså ligg like ved.

Vardefjellet

Vardefjellet er eit svært populært tuområde nær Lindås senter med flott utsikt i fleire retningar, mellom anna mot Lindås, Radøy og Mongstad. Vegen opp til hytta går på grusa veg og grusa sti. Dette er ein forholdsvis enkel tur som dei aller fleste kan klara. Frå parkeringa i Kolåsfellet tar turen kring 15 minutt til toppen. Dei som ynskjer ein lengre tur kan gå vidare på stiar til til dømes Kolåsfjellet, Steinfjellet eller gå ein rundtur. Det er også planar om opprusting av stiar frå Rossnes og Sundsbø.

Vardefjellet har allereie eit høgt besøkstal, og ei dagsturhytte her vil sannsynlegvis få svært mange besøkjande. Skular, barnehagar og også Ner Kolås arbeids- og aktivitetssenter har uttalt seg svært positivt til planane om ei dagsturhytte her.

Det er kring 10 parkeringsplassar ved startpunktet for stien, noko som allereie er knapt for den trafikken som er til tuområdet. Arbeidsgruppa ser på moglege plasseringar for fleire parkeringsplassar i tilknytning til startpunktet for turen.

Turen er lett å nå med kollektivtransport. Det er kring 850 meter frå næraste busstopp (Kolås kryss) til parkeringsplassen, og det er også busstopp på Rossnes.

Lindås IL er positive til å teikna vedlikehaldsavtale for hytta.

Konklusjon

Arbeidsgruppa meiner at plassering av dagsturhytte på Vardefjellet er ei god løysing. Plasseringa skårar høgt på kriteriesettet og den utfyller dei to andre plasseringane av dagsturhyttene. Turen ligg tett på Lindås senter og skular og barnehagar, og slik sett rettar den seg mot den viktigaste målgruppa slik det er definert i prosjektet – born og unge.

Vedlegg i saken:

10.09.2020 Kart

1443878